



Mësimi i Ketrushave





BANKA QENDRORE E REPUBLIKËS SË KOSOVËS
CENTRALNA BANKA REPUBLIKE KOSOVA
CENTRAL BANK OF THE REPUBLIC OF KOSOVO

Mësimi i Ketrushave

Përrallë për fëmijë

Mosha: 6-8 vjeç





Në pranverë kur lulet çelin dhe natyra lulëzon, nëna Ketrushe vendosi që t'i lejë tre të vegjëlit e saj që të jetojnë vetëm.

Para se të largohej nëna Ketrushe ju dha një këshillë:

- Mos harroni të ruani nga një kokërr arrë në ditë!- tha nëna Ketrushe dhe iku duke i përshëndetur.

-Në rregull - tha Keki, më i riu dhe më i vogli nga të tre.

-O joo – tha Riki, më i moshuari dhe më i forti nga të tre. – Unë jam më i fortë dhe nuk më nevojitet të mbledhë ushqim për dimër sepse unë edhe në dimër e gjej lehtë ushqimin.

Ndërsa Meri nuk foli fare, ai vetëm ëndërronte me sy hapur se si do t'i hante arrat e mbledhura.



Riki ishte më i forti, ai mblidhte shumë ushqim dhe të gjithë ushqimin e hante menjëherë.



Meri mblidhte më pak ushqim se Riki por aq shumë i pëlqente ushqimi sa shpesh e harronte këshillën e nënës që të kursejë një arrë në ditë.

Ndërsa Keki, më i vogli - ishte i dobët dhe nuk kishte aq shumë fuqi. Ai mblidhte pak ushqim por asnjëherë nuk e harronte këshillën e nënës që të kursejë një kokërr arrë në ditë.



Ditët po kalonin dhe shtëpiza e Kekit të vogël ishte e mbushur përplot me ushqime për dimër, shtëpiza e Merit kishte shumë pak ushqim ndërsa e Rikit nuk kishte as edhe një kokërr arrë.




Erdhi vjeshta, gjethet ranë, ketrat filluan të bisedojnë se si i kanë kaluar ditët e verës.



-Ti nuk qenke rritur aspak o Keki, qenke bërë edhe më i vogël se sa ke qenë - u tall Riki me Kekin dhe filloi të qesh.

- Unë jam kënaqur gjatë verës, shikoje barkun tim sa është fryrë - tha Meri, ... Ti Keki dukesh sikur nuk ke ngrënë aspak.





Erdhi dimri, ishte shumë ftohtë. Ketrat nuk guxonin të dilnin nga shtëpitë e tyre. Kekin e kishte zënë gjumi kur dëgjoji një trokitje në derë.


- Ë ë ë –është aq ftohtë dhe unë nuk kam se çfarë të ha. Si do ta kaloj gjithë dimrin unë i mjeri! - qante Riki.



Mos qaj Riki, merre një arrë nga të mijat. Unë kam mbledhur arra ashtu siç na ka thënë nëna dhe do ta ndaj me ty ushqimin e mbledhur.

Faleminderit i vogli Keki, ti ma shpëtove jetën - tha Riki dhe të përqaftuar u futën në shtëpizën e vogël të Kekit.






Pas disa ditësh u dëgjua një trokitje tjetër në derën e shtëpisë së Kekit. Ishte Meri.

- O bobo ç'më gjeti mua të mjerin, dimri po zgjat shumë ndërsa mua nuk më ka mbetur më asnjë kokërr arrë. – qante Meri.

- Futu brenda vëlla, kam unë arra edhe për ty! - tha Keki.



Keki i vogël i çoi në vendin ku ai e mbante ushqimin dhe ju tregoi se si e kishte vendosur ushqimin.



-Unë i kam ndarë në 3 pjesë ushqimet e mbledhura. Vrima e parë është me ushqimin që unë mund ta ha tani. Vrima e dytë është rezervë për çdo rast, nëse ndodh diçka e papritur dhe vrima e tretë është me ushqim që unë do t'ua dhuroj atyre që nuk kanë. Kjo është mënyra se si unë e kam ndarë ushqimin e grumbulluar.



- Ti je shumë i zgjuar Keki, edhe unë kam mbledhur ushim por nuk e kam menduar që duhet të mbledh pak më shumë në rast se ndodh diçka e papritur dhe ja dimri zgjati më shumë se sa unë mendova dhe tani kam mbetur pa asnjë ushqim - tha Meri.

- Na vjen shumë keq që u tallem me ty në verë-
kërkuan falje Riki dhe Meri.

- Vitin tjetër do të kursej, jo një kokërr por dy kokrra
arra në ditë – tha Riki duke qeshur.



I vogli Keki qeshi dhe ju servoi vëllezërve edhe nga
një arrë për të ngrënë dhe kështu kaluan së bashku
ditët e ftohta dimërore.

Pyetje:

- Cili është mesazhi i përrallës?
- Si cili personazh do të vepronit ju? Pse?
- Ju si do t'i ndanit kursimet tuaja?

Ky publikim është botuar nga Banka Qendrore e Republikës së Kosovës.

Ky publikim është në dispozicion gjithashtu në faqen e internetit të Bankës Qendrore të Republikës së Kosovës.

<https://bqk-kos.org/edu/>

Përgatitur nga Departamenti për Marrëdhënie me Jashtë

Skripta dhe ilustrimet: Ardita Begu

Shtypi: Shtypshkronja “Blendi”

087.5

Mësimi i ketrushave: përralla për fëmijë : moshë 6-8 vjeç / Përgatitur nga Departamenti për Marrëdhënie me Jashtë; ilustrimet : Ardita Begu.
- Prishtinë: Banka Qendrore e Kosovës, 2018. – 20 f. : ilustr. ; 21 cm.

1.Begu, Ardita

ISBN 978-9951 -8977-0-9

ISBN 978-9951-8977-0-9



9 789951 897709